

曰識事體小有言論者則曰是沽名至於言事之際一有所觸舉以為非故士皆含容自晦以私一身事有弊而不言政有失而不規 殿下誰與聞善言乎此臣等所以憂委靡之漸而為 殿下懼焉 殿下責已之道固無所不矣然而百司解弛則曰當官者不能盡其任也百姓困窮則曰字牧者不能盡其職也有司守令不能盡其職者誠有罪也在 殿下反躬自責之道恐或有非一國之責專在於 殿下之一身殿下不自為己責而一歸於下此臣等所以憂委靡之漸而為 殿下懼焉下弘文館上疏曰此疏之言皆當自上當為省念焉○巽方有氣如火○黃海道瑞興自二十一日至是日下霜○已亥 御朝講○黃海道觀察使尹止衡以孝子龔津正丘胡繼賢文化私奴時種前錄事李權殷栗幼學朴薰烈女松化甲士李叔文妻金氏等馳啓曰海陬窮鄉節義可嘉依大典勸獎何如傳曰此事予甚嘉之節行乃治國之本十室之邑必有忠臣黃海道小境尚且如此況下三道人物阜盛之地必多有之而未聞馳報何也如有已畱旌門者必分明深刻令人有所矜式又令各道監司若有孝子節婦之人詳悉啓聞○臺諫啓前事不見○御夕講○庚戌備邊司堂上高荊山安濶德韓亨允許琬兵曹判